



Broj: 05/7-50-13-218-38/18

Sarajevo, 26. 6. 2018.

Z A P I S N I K

38. sjednice Vijeća nacionalnih manjina BiH, održane 26. 6. 2018.

Sjednica Vijeća nacionalnih manjina BiH počela je u 12 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, prvi zamjenik predsjedavajućeg Vijeća nacionalnih manjina BiH, Tijana Vučurević, druga zamjenica predsjedavajućeg Vijeća nacionalnih manjina BiH, Jakob Finci, Marija Grbić, Dejan Piotrovski, Jovanka Manzalović-Šalaka, Hakan Varan, Velibor Kuvač, Todorka Jovanović, Vjeročka Gajić, Silvija Vujović, Davor Ebner i Mladen Radmilović.

Sjednici su, također, prisustvovali: Aleksandra Jarić iz Ministarstva za ljudska prava i izbjeglice BiH, Amela Tandara iz Misije OSCE-a u BiH, Franjo Rover iz Saveza nacionalnih manjina Republike Srpske, Dina Masnik iz Vijeća Evrope u BiH, Maja Lukić-Schade iz Vijeća Evrope u BiH, Zoran Brkić iz Sektora za odnose s javnošću Parlamentarne skupštine BiH, Branislava Vignjević, stručna savjetnica, i Anđelka Dobrilović-Rajak, stručna saradnica u Zajedničkoj komisiji za ljudska prava.

Sjednici nisu prisustvovali: Dragan Marković, Halil Bicaj, Nedžad Jusić i Eva Pašić-Juhas. Predsjedavajući Vijeća nacionalnih manjina BiH Tihomir Knežiček otvorio je raspravu o predloženom dnevnom redu 38. sjednice Vijeća nacionalnih manjina BiH. U raspravi je učestvovao Velibor Kuvač koji je predložio da se tačka 2. dnevnog reda razmatra u okviru tačke 6. Razno u formi informacije.

Članovi Vijeća nacionalnih manjina BiH nisu prihvatili prijedlog Velibora Kuvača, te su, sa osam glasova „za“, četiri glasa „protiv“ i dva glasa „suzdržan“, usvojili ranije predloženi dnevni red

D N E V N I R E D

1. Usvajanje Zapisnika 37. sjednice Vijeća nacionalnih manjina BiH;
2. Razmatranje djelovanja Saveza nacionalnih manjina u BiH;
3. Analiza upitnika za promjenu zakona o nacionalnim manjinama u BiH;
4. Razmatranje Plana posjeta općinama i gradovima u Federaciji BiH, Republici Srpskoj i Brčko Distriktu;
5. Izvještaj s predloženim zaključcima s tematske sjednice Zajedničke komisije za ljudska prava Parlamentarne skupštine BiH „Položaj Romkinja u Bosni i Hercegovini“, održane 4. juna 2018. godine;
6. Razno:
 - Informacija o prvom sastanku koordinacionog odbora Projekta „Jačanje zaštite nacionalnih manjina u Bosni i Hercegovini“;
 - Informacija o službenoj posjeti Mađarskoj;
 - Informacija o OSCE-ovoj posjeti institucijama zaduženim za zaštitu nacionalnih manjina u Srbiji i Vojvodini;
 - Informacija o statusu objavljenog javnog poziva za raspodjelu grant sredstava za nacionalne manjine Ministarstva za ljudska prava i izbjeglice BiH;
 - Informacija o objavljenom javnom pozivu za raspodjelu grantova za nacionalne manjine u Projektu „Jačanje zaštite nacionalnih manjina u Bosni i Hercegovini“ Vijeća Evrope;
 - Informacija o statusu zahtjeva upućenih Zajedničkoj komisiji za ljudska prava Parlamentarne skupštine BiH.

Ad. 1. Usvajanje Zapisnika 37. sjednice Vijeća nacionalnih manjina BiH

Članovi Vijeća nacionalnih manjina **jednoglasno su usvojili** Zapisnik 37. sjednice.

Ad. 2. Razmatranje djelovanja Saveza nacionalnih manjina u BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Franjo Rover, predsjednik Saveza nacionalnih manjina Republike Srpske, Tihomir Knežiček, Davor Ebner, Todorica Jovanović, Jakob Finci, Andrija Svatok, Jovanka Manžalović-Šalaka i Marija Grbić.

Nakon rasprave, Vijeće nacionalnih manjina BiH je, s **deset glasova „za“, tri „protiv“ i jednim glasom „suzdržan“**, usvojilo sljedeće zaključke:

- 1. Vijeće nacionalnih manjina BiH ne podržava djelovanje pravnog subjekta pod nazivom Savez nacionalnih manjina u BiH.**
- 2. Vijeće nacionalnih manjina BiH traži od Ministarstva pravde BiH poništenje registracije pravnog subjekta pod nazivom Savez nacionalnih manjina u BiH zbog zloupotrebe naziva pravnog subjekta i geografske odrednice njegovog djelovanja.**

Ad. 3. Analiza upitnika za promjenu zakona o nacionalnim manjinama u BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. Nije bilo rasprave o navedenoj tački dnevnog reda.

Maja Lukić-Schade, menadžerica Projekta „Jačanje zaštite nacionalnih manjina u Bosni i Hercegovini“ Vijeća Evrope u BiH, upozнала je članove Vijeća s analizom upitnika za promjenu zakona o nacionalnim manjinama u BiH.

Članovi Vijeća primili su k znanju navedenu informaciju.

Ad. 4. Razmatranje plana posjeta općinama i gradovima u Federaciji BiH, Republici Srpskoj i Brčko Distriktu

Predsjedavajući Vijeća nacionalnih manjina BiH prisutne je izvijestio da je navedenu tačku dnevnog reda predložio član Vijeća Dragan Marković. S obzirom na to da gospodin Marković nije prisustvovao sjednici, predloženo je da tačka bude razmatrana na narednoj, 39. sjednici Vijeća.

Vijeće nacionalnih manjina BiH prihvatilo je prijedlog da tačka 4. dnevnog reda bude razmatrana na narednoj sjednici Vijeća.

Ad. 5. Izvještaj o predloženim zaključcima s tematske sjednice Zajedničke komisije za ljudska prava Parlamentarne skupštine BiH „Položaj Romkinja u Bosni i Hercegovini“, održane 4. juna 2018. godine

Predsjedavajući Vijeća nacionalnih manjina BiH prisutne je izvijestio da je navedenu tačku dnevnog reda predložio član Vijeća Nedžad Jusić. S obzirom na to da gospodin Jusić nije prisustvovao sjednici, predloženo je da tačka bude razmatrana na narednoj, 39. sjednici Vijeća.

Vijeće nacionalnih manjina BiH prihvatilo je prijedlog da tačka 5. dnevnog reda bude razmatrana na narednoj sjednici Vijeća.

Ad. 6. Razno:

- **Informacija o prvom sastanku koordinacionog odbora Projekta „Jačanje zaštite nacionalnih manjina u Bosni i Hercegovini“**
- **Informacija o službenoj posjeti Mađarskoj**
- **Informacija o OSCE-ovoj posjeti institucijama zaduženim za zaštitu nacionalnih manjina u Srbiji i Vojvodini**
- **Informacija o statusu objavljenog javnog poziva za raspodjelu grant sredstava za nacionalne manjine Ministarstva za ljudska prava i izbjeglice BiH**
- **Informacija o objavljenom javnom pozivu za raspodjelu grantova za nacionalne manjine u Projektu „Jačanje zaštite nacionalnih manjina u Bosni i Hercegovini“ Vijeća Evrope**
- **Informacija o statusu zahtjeva upućenih Zajedničkoj komisiji za ljudska prava Parlamentarne skupštine BiH**

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Amela Tandara, predstavnica OSCE-a, Aleksandra Jarić, predstavnica Ministarstva za ljudska prava i izbjeglice BiH, Maja Lukić-

Schade, menadžerica Projekta „Jačanje zaštite nacionalnih manjina u Bosni i Hercegovini“
Vijeća Evrope u BiH, Tihomir Knežiček i Jakob Finci.

Vijeće nacionalnih manjina BiH prihvatilo je prijedlog da Informacija o službenoj posjeti
Mađarskoj bude razmatrana na narednoj sjednici Vijeća.

Članovi Vijeća primili su k znanju sve ostale navedene informacije.

Sjednica Vijeća nacionalnih manjina BiH završena je u 13.30 sati.

Sastavni dio Zapisnika je tonski snimak 38. sjednice Vijeća nacionalnih manjina BiH.

Predsjedavajući Vijeća nacionalnih manjina BiH

Prof. dr. Tihomir Knežiček